




## Lanzamento di e buki "We Aruba"



ORANJESTAD (AAN)— Linda Reijnders, kende ta periodista na e vespertino Hulan- des Amigoe di Aruba, tabatin un evento na filial di Biblioteca Nacional den Bachstraat unda cu el a presenta su buki "We Aruba".

Despues di a biaha rond mundo, Linda a yega Aruba tres aña pasa, cu hopi gana pa siña di cultura di e pais chikito aki, mescos cu el a siña na otro partinan di mundo. "Mi a yega y mi a namora di e isla,

di e hendenan y di e mezcla di nacionalidadnan cu bo ta mira riba caya."

El a splica cu su experiencia ariba menciona ta loke a inspir'e pa skirbi e buki. Ora cu e cana riba caya, e ta impresiona pa scucha e diferente idiomanan cu ta wordo papia y e forma diferente di bisti di cada ciudadano. "E cos aki ta asina special y e hendenan ta biba asina bon cu otro y cu no ta constata problemanan grandi entre e hendenan. Apesar di

tur problema, mi ta kere cu e hendenan aki ta biba miho cu otro. "E mensahe cu e autor kier manda cu e buni aki ta cu tur hendé mester ta cla pa yuda otro. Mostra comprension pa otro y no stimatisa. "Mi ta kere cu si tur hendé tin mas comprension pa cultura di otro, e convinencia ta miho riba un isla chikito y por traha miho hunto."

E storia den e buki ta storianan emocional di bida. E buki ta cuminsa cu storia di un Arubiano, kende ta conta e storia di un celebracion tipico di Pasco na Aruba y asina e ta pasa pa diferente parti di mundo y riba diferente tema manera cushina di otro pais pa despues trece e storia aki bek na Aruba pa ilustra con e hendenan di e otronan pais eynan ta biba riba e isla aki. E linea cora di e storia aki ta cu a tur t'asina positivo di e bida cu nan tin na Aruba y e poblacion Arubano.

E buki ta disponibel na tur libreria riba e isla, tiendanan di Salamander Holding y na hotelnan pronto.

